

## ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ Լեռնահայաստանի հերոսամարտը,

Գայլախամբերի մարտավարությունը

ՈՒՍՈՒՑԻՉ՝

ԻՇԽԱՆ ԱՎԱԳՅԱՆ

ՂԵԿԱՎԱՐ՝

ՎԱՐԴԱՆ ՍՏԵՓԱՆՅԱՆ

## ԲՈՎԱՆԴԱԿՈՒԹՅՈՒՆ

|   |     |
|---|-----|
| 1. Ներածություն-----  | 3   |
| 2. Գարեգին Նժդեհ: Կենսագրական ակնարկ /1918-21թթ.-----               | 5   |
| 3. Լեոնահայաստանի հերոսամարտը, «Գայլախմբերի» մարտավարությունը ----- | 8   |
| 4. Խուստուփյան կանչեր. Հրամաններ -----                              | 12. |
| 5. Կոչեր -----  | 15  |
| 6. Նժդեհի՝ մարտի վարման տեսությունը և արդիականությունը-----         | 18  |
| 8. Եզրակացություն-----  | 21  |
| 7.Դասի պլան-----  | 22  |
| Օգտագործված գրականության ցանկ-----                                  | 15  |

## ՆԵՐԱԾՈՒԹՅՈՒՆ

Հետազոտության, մամուլի նյութերի և արխիվային որոշ փաստաթղթերի որոշակի ընդգրկմամբ ցույց է տրված Ջանգեզուրի հայության հերոսական գոյամարտը, որ նա հանուն իր ազատության 1920-1921 թթ. մղել է ռուսական 11-րդ կարմիր բանակի և Խորհրդային Ադրբեջանի զորամասերի դեմ, դրանով իսկ ձախողելով գավառն Ադրբեջանին ենթարկելու բոլոր փորձերը: Ջանգեզուրը Խորհրդային Հայաստանի անբաժան մաս կազմեց լեռնավայրի հայության աներևակայելի տոկունության և անձնագոհ պայքարի շնորհիվ: Աշխատության մեջ ի ցույց է դրված Գարեգին Նժդեհի իբրև զորավարի, քաղաքական և պետական գործչի, վճռական դերը նշված ժամանակաշրջանում հայկական գավառում ծավալված գոյամարտի տարիներին: Հատկապես Արցախն ու Սյունիքը 2020 թ. նոյեմբերի 9-ից ու դեկտեմբերի 18-ից հետո հայտնվել են ռազմաքաղաքական այնպիսի իրավիճակում, որ նժդեհյան գաղափարների ոգեկոչումը (ամենատարբեր եղանակներով) պահի գլխավոր հրամայականներից է: Չմոռանանք՝ այդ գաղափարախոսությունը շարունակում է մնալ իբրև զգոնության կոչ, իբրև լինելիության բանաձև, իբրև պատմության դասերը սերտելու պատգամ: Այնուհետև՝ Գարեգին Նժդեհի՝ Սյունիքի և Արցախի պատմական բացառիկ դերի ընկալումը, որի արտահայտությունը Սյունիքի հաղթական դյուցազնամարտն էր 20-րդ դարասկզբին: Թեև Նժդեհի որոշ դատողություններ, մոտեցումներ, իր կողմից մշակված ռազմարվեստի պատմության օրենսդրական փաստաթղթեր, կիրառված մարտավարական հնարքներ պատշաճում են իր ժամանակի հասարակական, քաղաքական և ռազմագիտական մթնոլորտին, ադուհանդերձ, նրանք ունեն արդիական ու դաստիարակիչ նշանակություն:

**Հետազոտական աշխատանքի թեմայի արդիականությունը** պայմանավորված է գաղափարական, ռազմական, բարոյական դաստիարակությունը նոր, բազմազան ուղիների ու միջոցների մշակման անհրաժեշտությամբ, որը պետք է իրականացվի Նժդեհյան ռազմավարության ուսումնասիրման գործընթացում ապագա հայ մարտիկի ինքնության ընկալման ու ձևավորման միջոցով՝ վերակենդանացնելով Գարեգին Նժդեհի ոգին՝ փորձությունների մեջ հայտնված Սյունիքում տեսնելու նոր Նժդեհներ:

**Հետազոտության նպատակն է** նպատակն է մեկ անգամ ևս արժևորել ու հանրայնացնել 1918-21 թթ. զանգեզուրյան իրադարձությունները: Խնդիր ունենք հանգամանորեն լուսաբանել հերոսական իրադարձությունների կարևորագույն դրվագները,

մասնավորապես Գարեգին Նժդեհի գործունեությունը Սյունիքի ինքնապաշտպանության կազմակերպման գործում:

**Նշված նպատակին հասնելու համար առանձնացվել են հետևյալ խնդիրները՝**

➤ ուսումնասիրել Լեռնահայաստանի հերոսամարտը ժամանակագրական հարացույցում

➤ ուսումնասիրել հերոսամարտում կիրառված մարտավարական հնարքները

➤ ուսումնասիրել Նժդեհին՝ որպես պատմական հրատապ, ցպահանջ հայտնություն, որի հոգեխառնվածքին շունչ է տվել դարաշրջանը:

Աշխատանքի հետազոտական մասն իրականացվել է խնդրի շուրջ եղած գրականության, մամուլի, դասագրքերի և այլ նյութերի ուսումնասիրման ու վերլուծության մեթոդներով, որոնք իրենց արտահայտումն են գտել ստորև ներկայացվելիք բաշխիչ նյութերում՝ որպես սովորողների համար ինքնուրույն ուսումնասիրության նյութ:

## **Գարեգին Նժդեհ** **Կենսագրական ակնարկ /1918-21թթ./**

Հայաստանի Հանրապետության հռչակումից հետո, 1918թ. վերջին, Նժդեհը ՀՀ կառավարության կողմից նշանակվում է Նախիջեւանի գավառապետ, իսկ 1919թ. օգոստոսից՝ Կապանի, Արեւիքի եւ Գողթանի (Կապարգողթ) ընդհանուր հրամանատար: Այստեղ հարկ ենք համարում, թեւէ ընդհանուր գծերով, բայց մի փոքր հանգամանակից, անդրադառնալ այն հերոսականին, որ վարեց Նժդեհը 1919-1921 թթ., Չանգեզուրի լեռներում, որը նրա կյանքի եւ հայոց նորագույն պատմության ամենափառավոր էջերից է: Առանց դրսի օժանդակության, ապավինած հայրենի լեռներին ու սեփական ոգու գործությանը՝ Սյունիքի հայությունը, Նժդեհի ղեկավարությամբ, վարեց իր հաղթական դյուցազնամարտը: Լեռնահայության դիմումներին՝ որեւէ կերպ օգնելու, ՀՀ կառավարությունը, բացի մեկումեջ արվող քաջալերանքի կամ համակրանքի խոսքերից, ոչ մի կերպ չարձագանքեց: Իսկ Նժդեհը երբեմն ստիպվա ծ էր լինում չհնազանդվել վերին իշխանության հրամաններին: Մասնավորապես, երբ Խատիսյանի կառավարության կողմից նրան հրամայված էր գաղթեցնել պաշարված Գողթանի հայությունը, Նժդեհը մերժեց այն **եւ**, փոխարենը, սրբեց ու տեղահանեց գավառի թուրքական բնակավայրերը: Ավելին, 1920 թվականի օգոստոսին ՀՀ զինվորական նախարար Ռուբեն Տեր-Մինասյանը, համաձայն բոլշեւիկների հետ կնքված զինադադարի (իմա՝ 1920թ. օգոստոսի 10-ին Թիֆլիսում Բորիս Լեգրանի ու Արշակ Չամալյանի միջեւ կնքված համաձայնագիրը, որով ՀՀ-ն համաձայնություն էր տալիս Կարմիր բանակի մուտքին Չանգեզուր, Ղարաբաղ եւ Նախիջեւան), Դրոյի միջոցով հեռագրում էր Նժդեհին՝ թողնել Կապանն ու Գենվազը եւ անցնել Երեւան: Բայց Նժդեհը, չընդունելով ՀՀ զինվորական նախարարի՝ Չանգեզուրը թողնելու հրամանը եւ մերժելով Դրոյի առաջարկը՝ անցնել Երեւան ապաքինվելու, նախընտրեց մնալ Սյունիքում եւ մենակ չթողնել լեռնահայությանը: Այդ ծանր օրերին էր, որ Նժդեհը հղացավ եւ գործի դրեց Դավիթբեկյան Ուխտերը: 1920թ. օգոստոսի 25-ին, Կապանի Կավարտ գյուղի եկեղեցում, Նժդեհի զինվորներն ուխտեցին Դավիթ-Բեկի անունով՝ «հավատարիմ մնալ հայրենի երկրի ազատության, իրենց հրամանատար Նժդեհին եւ կովել մինչեւ վերջին շունչը»: Այսպես ծնունդ առան Դավիթբեկյան Ուխտերը, որոնց նշանաբանն էր. **«Հանուն հայրենիքի՝ Դավիթ Բեկաբար»:** Բացահայտած թուրք-բոլշեւիկյան միացյալ դավադրությունն ու չընդունելով ՀՀ կառավարության կրավորական կեցվածքը, որը Մոսկվայի ներկայացուցիչ Լեգրանի հետ կնքած վերոհիշյալ համաձայնագրով, փաստորեն,

Զանգեզուրը Ադրբեջանին հանձնելու նախաքայլ էր անում, Սյունիքը շարունակեց կռիվը եւ Հայաստանի խորհրդայնացումից հետո, 1920թ. դեկտեմբերին, իրեն հոչակեց ինքնավար: 1921թ. հունվարին Դրոն Բաքվից մի հեռագիր հղեց Նժդեհին, առաջարկելով նրան՝ թույլ տալ Զանգեզուրի խորհրդայնացումը, հավատացնելով եւ վստահեցնելով, որ այդպիսով Մոսկվայի առաջիկա կոնֆերանսում, ուր լուծվելու էին նաեւ վիճելի հողային հարցեր, Խորհրդային Ռուսաստանը բարյացակամ կլինի դեպի Հայաստանը եւ կպաշտպանի հայ աշխատավորության շահերը: Այս անգամ եւս Նժդեհը, իբրեւ հեռատես քաղաքագետ, չհեռացավ Սյունիքից եւ շարունակեց մաքառել: 1921թ., Գորիսում լույս տեսավ Նժդեհի «**Խուստուայան կանչեր**» փոքրածավալ գրքույկը, որը պարունակում է կոչեր՝ լեռնահայությանը եւ պատվիրաններ՝ իր զինվորներին: Իր զինվորական հմտությամբ, կազմակերպչական տաղանդով եւ ոգեշունչ խոսքով Նժդեհին հաջողվեց ստեղծել «ժողովրդական կուռ բանակ մը, որ պատրաստ էր իր հրամանատարի ձեռքի մեկ շարժումին անսալով՝ կրակի մեջն անգամ նետվելու»: Նժդեհն էր, որ պարտության դառնությունը ճաշակել տվեց Դենիկինի, Կոլչակի ու Վրանգելի բանակները ջարդած եւ «անպարտելի» հոչակված 11-րդ Կարմիր բանակի հեծելազորի պետ Կուրոչկինին: Նույնիսկ Փետրվարյան ապստամբության պարտությունը եւ դրա հետեւանքով՝ 12 հազար գաղթականության (որից 4 հազարը՝ զորք) նահանջը,- որոնք զգալիորեն ազդեցին լեռնահայության բարոյահոգեբանական վիճակի վրա,- չընկճեցին Սյունիքը, եւ նա շարունակեց իր հաղթական կռիվները: 1921թ. ապրիլին հոչակվեց Լեռնահայաստանի Հանրապետություն՝ սպարապետ Նժդեհի վարչապետությամբ: Հունիսի 1-ին, Զանգեզուր անցած ՀՀ կառավարության նախաձեռնությամբ, Լեռնահայաստանը հայտարարվեց Հայաստան՝ Սիմոն Վրացյանին նշանակելով վարչապետ (Նժդեհը մնում էր իբրեւ սպարապետ): Նոր կառավարությունը թույլ տվեց մի շարք կոպիտ սխալներ, որոնց մեջ ամենից ճակատագրականը եղավ երեք հազար թաթար-թուրքերի՝ իբրեւ քոչվոր, իսկ իրականում՝ որպես ծպտյալ դավադիրներ, Սիսիան ազա տ մուտքի արտոնումը: Իսկ Երեւանից նահանջած զորքը կամավոր անձնատուր եղավ կարմիրներին: Այս պայմաններում, մի կողմից՝ Վրաստանի ու Հայաստանի բոլշեւիկացումը, Արարատյան գաղթականության՝ դեպի Սյունիք նահանջը (մասնավորապես, նահանջող մտավորականության եւ երիտասարդության վաղաժամ անցնելը Պարսկաստան), որոնք բարոյալքիչ ու հոռի ազդեցություն ունեցան լեռնաշխարհի հայության վրա, մյուս կողմից՝ պարենի ու հացահատիկի չգոյությունը, վարչական եւ զինվորական մարմինների միջեւ

առաջ եկած անհամաձայնությունները, միաժամանակ՝ խուսափելու համար ավելորդ հավաճանքներից, որին կարող էր ենթարկվել Խորհրդային Հայաստանի հայությունը եւ հաշվի առնելով, որ Հայաստանի բոլշեիկյան ղեկավարությունն իր 1921թ. հունիսի հռչակագրով Սյունիքը հայտարարում էր կցված Մայր երկրին, Լեոնահայաստանը հուլիսին տեղի տվեց խորհրդայնացման առաջ: Թողնելով Ջանգեզուրը՝ Նժդեհը հրաժեշտից առաջ հավաստեց լեոնահայությանը, որ ինքն ընդմիջտ չի՝ հեռանում եւ պիտի վերադառնա, եթե Երեւանի փոխարեն Բաքուն լինի Սյունիքի տերը: Իսկ Խորհրդային Հայաստանի Հեղկոմին ուղղած իր դիմումը հաղթական սպարապետն ավարտում էր սաստող տողերով. «Դուք գիտեք, որ ցանկության դեպքում ես միշտ էլ հնարավորություն կունենամ մի քանի տասնյակ զինվորներով վերագրավել Լեոնահայաստանը: Որպեսզի այս երկրի աշխատավոր գյուղացիությունը ստիպված չլինի մեկ էլ ինձ օգնության կանչելու, աշխատեք բավարարել հայ գյուղացիության եւ նրա մտավորականության արդար պահանջը»

Երկու տարվա կռիվների ընթացքում, թշնամու 15 հազար սպանվածի դիմաց Սյունիքը տվեց ընդամենը մի քանի տասնյակ զոհ, իսկ մոտ 200 գյուղեր մաքրագործվեցին թուրքերից ու վերադարձվեցին հայերին: Շնորհիվ Լեոնահայաստանի հերոսամարտի՝ հնարավոր եղավ՝

ա) փրկել լեոնահայությանը կոտորածից,


բ) Սյունիքը կցել Մայր հայրենիքին՝ մահացու անդամահատումից զերծ պահելով Հայաստանը,

գ) հոգեբանորեն ու ռազմագիտորեն հնարավոր դարձնել Փետրվարյան ապստամբությունը

դ) ապահովել հայ մտավորականության եւ մարտական ուժերի նահանջն ու անցումը Պարսկաստան:

Եվ այս ամենը, հիմնականում, շնորհիվ Նժդեհի անհատականության: Այսպիսով, 1921թ. հուլիսին Նժդեհը թողնում է Ջանգեզուրը եւ անցնում Թավրիզ:

## Լեոնահայաստանի հերոսամարտը, «Գայլախմբերի» մարտավարությունը



Զանգեզուրի հերոսամարտը 1920-1921 թթ.

Ոչ մի տեղ առանց Սյունիքի ու Արցախի. առանց աշխարհագրական Հայաստանի այդ հզոր ողնաշարի մեր ամբողջական հայրենիքը գոյություն ունենալ չի կարող

Գարեգին Նժդեհ



Լեոնահայաստանի զինանշանը


1918—1921 թվականներին Զանգեզուրում մղված գոյամարտը, որը կոչվում է նաև Լեոնահայաստանի հերոսամարտ, հայոց պատմության փառապանծ էջերից մեկն է: Հերոսամարտի հիմքում դրված էր սկզբունքային մի հարց՝ արդյոք այդ հայկական տարածաշրջանը մնալու էր հայրենի սահմանների ներսում, որտեղ վեր են խոյանում հազարամյա հայկական պատմամշակութային հուշարձանները, ազատագրական պայքարի արյունով ներկված հայոց նախնիների գերեզմանները, թե դա պետք է զավթեին թուրք-թաթարական հրոսակները: Եթե ուշադիր զննենք հիշյալ տարածաշրջանի ռազմավարական նշանակությունը, կտեսնենք, որ այս պարանոցն իրենից ներկայացնում էր պանթուրքիստական ծրագրի իրականացման հիմնական խոչընդոտող գործոններից մեկը: Ուստի թուրքերը և նրանց կամակատար բուրք-թաթարներն ամեն գնով ձգտում էին տիրանալ այդ տարածաշրջանին, ճանապարհ բացել պանթուրքիստական գաղավարի իրականացման համար: Իսկ այդ ծրագրի իրականացումը մահաբեր հետևանքներ կունենար մեր ազգի և հայրենիքի մնացած մասի համար: Մինչև 1918 թվականը Սյունիքում ինքնապաշտպանական մարտերը կազմակերպվում էին հիմնականում տեղի աշխարհագրի կողմից:



Հայաստանի Հանրապետության կառավարության կողմից տեղի ինքնապաշտպանությունը կազմակերպելու համար Սյունիք գործուղվեց գնդապետ Արսեն Շահմազյանը, որը, լինելով հմուտ և բանիմաց զինվորական, կարճ ժամանակում հայտարարեց 20—22 տարեկան երիտասարդների գորահավաք, տեղերում կազմավորեց կայուն զորաջոկատներ: Ստեղծվեց նաև զինվորական խորհուրդ, շրջաններում նշանակվեցին հրամանատարներ Սիսիանում՝ Պ. Տեր-Դավթյանը, Տաթևում՝ Խ.Մալինցյանը, Ղափանում Հ Տեր-Պետրոսյանը, Մեղրիում՝ Գ.Շահնազարյանը: Ստեղծվեցին տեղական կառավարման մարմիններ, հասարակական կարգը պահպանելու համար միլիցիա: Սյունիքի հայկական զինված ուժերի թվակազմը այդ ժամանակ հասնում էր մոտ 5000-ի: 1919 թվականի մայիսին ազերիական զինված խմբերը մոտ 6000 հետևակային և 3000 հեծյալ, 12 թնդանոթով միաժամանակ Նախիջևանի, Շուշիի և Կոլսականի ուղղություններով հարձակվեցին Սյունիքի վրա: 1919 թ. հոկտեմբերին անհրաժեշտությունից ելնելով, Սյունիքի զինված ուժերի ընդհանուր հրամանատար Արսեն Շահմազյանին փոխարինեց ականավոր զորահրամանատար Գարեգին Նժդեը /Գարեգին Եղիշեի Տեր-Հարությունյան/ որը, ունենալով ռազմագիտական լայն գիտելիքներ, կարողանում էր հմտորեն օգտագործել տեղանքի բնական բոլոր պայմանները և միջոցները՝ լավագույն արդյունքի հասնելու համար:

Իմ հոգին գույզ հենարան ունի՝  
Աստված և Հայրենիք

*Յ.Մ.Ս.*



Միաժամանակ ունենալով ամուր կազմակերպչական ջիդ, նա կարողացավ իր շուրջը համախմբել հայրենիքի պաշտպանության գաղափարներով զինված մարդկանց: Հիմնականում ահա այն ամենը, ինչի մեջ պետք է փնտրել Նժդեհի հաջողությունների բանալին: Նույն թվականի նոյեմբերի 4-ին Ջաբուղ ավանի մոտ հայկական զինված ստորաբաժանումները, օգտագործելով հանկարծակի հարձակման մարտավարությունը և միաժամանակ, ճիշտ գնահատելով լեռնային տեղանքի ռազմավարական պայմանները, խաչաձև կրակի տակ գցեցին հակառակորդի հանկարծակիի եկած և կարճ ժամանակում խուճապի մեջ ընկած զինված ստորաբաժանումներին, ոչնչացրեցին հեծյալ գնդերից մեկը՝ շուրջ 1500 հեծյալ, մոտ 600 հետևակային, առգրավեցին 2 թնդանոթ. 20 գնդացիի և բավականաչափ զինամթերք:

Քաջ գիտակցելով, որ գորքի մարտունակության գործում մեծ նշանակություն ունեն ամուր կարգապահությունը, գաղափարական, բարոյահուլեբանական ու ֆիզիկական դաստիարակությունը, հրամանատարի կեցվածքը, Գ. Նժդեհը հասարակական և քաղաքական գործիչ Շերամի հետ մշակեց ու ստեղծեց սովյալ շրջանի համար համագորային կանոնադրությունների նմանատիպ հանդիպող «Ձորաշարքային կանոնադրությունը»: Այս կանոնադրությունը 20-րդ դարի հայ ռազմարվեստի պատմության օրենսդրական կարևորագույն փաստաթուղթ է և լավագույն վկայությունն այն բանի, որ Սյունիքում գործել է կանոնավոր բանակ՝ իր բոլոր ծառայություններով, իր ռազմավարական խնդիրներով:

Հաշվի առնելով հայկական զինված ուժերի անհամեմատ սահմանափակ լինելը և սպառազինվածությունը, ինչպես նաև տեղանքի նպաստավոր պայմանները, Գարեգին Նժդեհը մշակեց մարտավարական գործողության այնպիսի ձև, որն իրականացնող հիմնական զինված ստորաբաժանումը համարվում էր վաշտը: Համաձայն այդ մարտավարության, վաշտերը բաժանվելով զինված դիվերսիոն խմբերի, հանկարծակի հարձակմամբ (մասնավորապես գիշերային ժամերին) խուճապ էին գցում թշնամու բանակում, որից հետո հայկական հիմնական զինված ստորաբաժանումները հասցնում էին գլխավոր հարվածը: Այս դիվերսիոն խմբերը կոչվում էին «Գայլախմբեր», իսկ վաշտերը, որոնք գլխավորապես գործում էին Դավիթ-Բեկի զինվորական կարգապահության մեթոդներով, կոչվեցին Դավիթբեկյան վաշտեր: «Գայլախմբերը» հիմնականում զինված էին պայթուցիկ ռումբերով, «Մաուզեր» ատրճանակներով և թեթև այլ զինատեսակներով:

Սյունիքում մարտունակ բանակի առկայության և կառավարման համակարգի կայացման մասին է խոսում այն փաստը, որ Պարսից շահը ճանաչում էր Գ. Նժդեհի իշխանությունը և պատրաստ էր նրա հետ պետական մակարդակի հարաբերությունների մեջ մտնել: Գ. Նժդեհի ռազմավարական խնդիրների մեջ էր մտնում նաև Արցախի ազատագրումը: Այդ էր պատճառը, որ 1919 թվականի զարնան վերջին զանգեզուրյան զինված ստորաբաժանումները, նախ միավորվելով Դրաստամատ Կանայանի արշավախմբի հետ, վերացրին թշնամու զինված սեպը Գորիսի Շուռնուխ բնակավայրի մոտակայքում, ապա միասնական ուժերով արշավեցին Արցախ: Արցախում Դրաստամատ Կանայանը կազմավորեց տեղի օրենսդիր և գործադիր մարմինները և Հայաստանի Հանրապետության կառավարության կողմից նշանակվեց Ջանգեզուր-Արցախի ընդհանուր հրամանատար:

1919 թվականի սեպտեմբերի 20-ին Կաղնուտ, Ուժանիս, Ագարակ բնակավայրերի մոտ Գ. Նժդե- հի ղեկավարած հայկական ստորաբաժանումները հանկարծակի հարձակումներով ջախջախեցին ազերիական եռակի գերազանցող զինված ուժերին, առգրավեցին 2 թնդանոթ. 10 գնդացիր և այլ հարուստ ռազմաավար՝ թշնամուն հետ շարտելով Սյունիքի տարածքից: 1920 թ. ապրիլին հայկական զինված ուժերը, մոտ 5000 զինվոր, Արցախի տարածքում ջախջախեցին ազերիական մոտ 10000-ոց զինված ուժերին, վերջնականապես նրանց հետ շարտելով Արցախի տարածքից: Սակայն նույն թվականի ապրիլի 28-ին ազերիական պետության խորհրդայնացումը փոխեց ամբողջ իրավիճակը տարածաշրջանում: Բոլշևիկյան Ռուսաստանի 11-րդ բանակի 28-րդ դիվիզիայի օգնությամբ ազերիական ուժերը առանց որևէ դժվարության գրավեցին Արցախը, այնուհետև վերջնագիր ներկայացնելով գրավեցին Միսիանը, Կապանը, Գորիսը: Հայկական ուժերը, ամրանալով անառիկ լեռնային մասերում, անցան ինքնապաշտպանության:

Հայերն իրենց հիմնական ուժերը կենտրոնացրել էին Կապանի տարածքում գտնվող Խուստուփ լեռան վրա, որը հանդիսանում էր նաև յուրահատուկ զինվորական կայանատեղի: Այստեղ Նժդեհը ստեղծեց Դավիթբեկյան ուխտերը «Հանուն հայրենիքի՝ դավիթբեկաբար» նշանաբանով: Այս ուխտերի նպատակը ոչ միայն զորքի, այլ նաև բնակչության գաղափարական և բարոյահոգեբանական վիճակի բարելավումն էր: Մոտ երեք ամիս տևող գաղափարական աշխատանքից հետո 1920 թվականի սեպտեմբերի 1-ին Գ. Նժդեհի գլխավորությամբ հայկական զինված ուժերը Ձևայի ճակատամարտում ջախջախեցին ազերի-բոլշևիկյան զինված ուժերին, գլխովին ոչնչացնելով ռուսական 84-րդ բրիգադը: Արդեն հոկտեմբեր ամսին ազատագրվեց Կապան քաղաքը, որտեղ բնակչությունը ջերմորեն դիմավորեց հայկական զինյալներին: Նույն հոկտեմբերի 14-ին Պ.Տեր-Դավթյանի զինյալ ստորաբաժանումներն առանց լուրջ մարտերի ազատագրեցին Միսիանը: 1920 թվականի հոկտեմբերի 24–28-ը ընկած շրջանում հայկական զինված ստորաբաժանումները բնակչության աջակցությամբ ազատագրեցին Գորիս քաղաքը: Փաստորեն ողջ Սյունիքը ազատագրված էր: Այս մարտերի ընթացքում թշնամին կորցրեց մոտ 5000 սպանված, 1600 գերի, 4 թնդանոթ, 67 գնդացիր:

Հայաստանի Հանրապետության խորհրդայնացումից հետո 1921 թվականի ապրիլի 2-ին Տաթևի վանքում Զանգեզուրը հռչակվեց անկախ հանրապետություն «Լեռնահայաստանի Հանրապետություն» անվամբ. վարչապետ նշանակվեց Միմոն Վրացյանը, ապարապետ՝ Գարեգին Նժդեհը: Լեռնահայաստանի Հանրապետությունը գոյատևեց մինչև 1921 թվականի հուլիսի 7-ը:

Լեռնահայաստանի Հանրապետության գոյությունը և հերոսամարտը հայոց ազատագրական շարժման պատմության անմոռաց էջերից մեկն է, բանի որ Սյունյաց աշխարհի դիրքը իր ռազմավարական նշանակությամբ կենարար դեր է խաղում ներկա և ապագա Հայաստանի, հայ ժողովրդի գոյապահանության գործում: Այս հերոսական պայքարում իրենց ռազմական գիտելիքների իմացության, ազգային գործչի կերպարով և հայրենասիրության մարմնացումով անմահացան այնպիսի ազգանվեր գործիչներ, ինչպիսին էին Դրաստամատ Կանայանը, Գարեգին Նժդեհը, Արսեն Շահմազյանը, Պողոս Տեր-Դավթյանը, նշանավոր հայ մտավորական Ակսել Բակունցը և ուրիշներ:

# *Խուստուփյան կանչեր. Հրամաններ*



*«...Հայացքդ մի կտրիիր Խուստուփից: Որքան շատ նայես այդ սեզ ու սև ամպերով ծածկված սարին, այնքան շուտ կգա փրկությունդ...»*

**Ջարթնած հայրենիքի գրկում՝ լեռներն իբրև բարձ**

*Ճապոնացու արևուտ սիրով սիրիր հայրենիքդ եւ ամէն օր, որպէս աղօթք, կրկնիր ճապոնական կայսրի խօսքերը. - Եթէ խորապէս գիտակցենք, որ սերը դէպի հայրենի երկիրն ու ժողովուրդը աւելի բարձր է կանգնած Մեծ ու գեղեցիկ Արեւին, քան մեր հայրենիքի ամենաբարձր լեռները՝ այն ժամանակ մահը ամէն մէկիս համար թոշնի փետուրից էլ թեթեւ կը թուայ:*

## **Հ Ր Ա Մ Ա Ն Ն Ե Ր**

/ ուշագրավ է, որ Նժդեհի կոչերն ու հրամանները հեռու են այն պաշտոնական ոճից, չինովնիկական ոճից, ուր ամեն ինչ հրաման է, չոր ու կոպիտ, և ուր բոցավառ խոսքը չկա, բարոյական նպատակաշեշտումը չկա: <<Հրամայում եմ>>, - գրում էր ցարական հրամանատարը. ինչո՞ւ, այդ մասին ոչինչ որոշ: Մեռի՛ր, առանց գիտնալու, թե ինչու ես մեռնում: Այդ կարևոր <<ինչուին>> է, որ պատասխանում են Նժդեհի հրամանները, և կարևորն ու արժեքավորն այդ է մի ժողովրդի և ժողովրդավարական հերոսի համար: Ժողովուրդը կարող է դավել, մոռանալ, ապերախտել, առաջնորդը՝ բնավ: Նա պետք է կանչի, կամենա, սիրի ու հավատա և վար, ու, կամ հաղթանակի, կամ մեռնի, փախուստի ոչ մի արահետ չպետք է փնտրի: Ահա կրոնական պատգամն ու խորհուրդը Նժդեհի կոչերի /

1919, 23 հոկտ., Լիճք

## Հ Ր Ա Մ Ա Ն

Ղափան-Գենուագ-Գողթանի ռազմական ուժերին

Բուլղարական զորքի մեջ կայ մի գեղեցիկ սովորություն, այն է՝ զինուորների անուանացուցակների ստուգման ժամանակ, նախ յիշատակել իրենց երկրի ազատագրութեան ճանապարհին ընկած հերոսների անունները: Երբ ստուգողը տալիս է այդ նուիրական անունները՝ «Ընկան», պատասխանում է զորաշարքի աջ թեւի առաջին զինուորը:

-«Փա՛ռք», - կրկնում է աջ թեւի երկրորդ զինուորը:

-«Յաւե՛րժ փառք», - աւելացնում է ամբողջ զորաշարքը:

Ազգային նահատակների անունների ամենօրեայ յիշատակումը զինուորներ ի մեջ ստեղծում է բարոյահայրենասիրական բարձր տրամադրություն՝ ընկած նահատակներ ի հաւատարմութեամբ ու անձնուիրութեամբ ծառայելու ու քաջօրէն մեռնելու իրենց հայրենիքի համար:

Հրամայում եմ Ղափան-Գենուագ-Գողթանի զորամասերի պետերին՝ որդեգրել այդ գեղեցիկ սովորութիւնը եւ ամենօրեայ ստուգումների ժամանակ յարգել մեր ցեղի ընտիր որդիների խնկելի անունները՝ Քեռի, Խէչօ...

Ղափան -Գենուագ-Գողթանի ռազմական  
ուժերի հրամանատար՝ ՆՏԴԵՀ

1919, 30 նոյեմբեր, Ղափանի հանքեր

## Հ Ր Ա Մ Ա Ն

Ղափան -Գենուագ-Տաթեւի զորամասերին Ձինուորներ, թշնամու ցանկութեամբ սկսում է մեր արշաւանքը, մեր խաչակրաց արշաւանքը Գեղուայ Ձորի դէմ: Վաղը, երբ Ձեր խենթ գրոհներից եւ զարկերից թշնամին շշմած կը թողնի իր գիւղերը, Ձե գ կ'ողջունեն մեր հինաւուրց, այսօր թշնամու կողմից պղծուած բերդերի եւ վանքերի աւերակները: Վաղը, երբ այդ ձորում կը լսուի Ձեր ոտների ձայնը, Ձեր զենքերի շաչիւնը, հայ գերիները, Քէյֆաշէնիբեգերի շնաբարոյ կրքերի առարկան դարձա ծ հայ կանայք ծնկաչոք կ'աղօթեն Ձեր զենքի յաջողութեան համար: Վաղը, երբ քաջերդ Աջիբաջ հասաք, յիշէք Խալիլբեգեան սեւ օրերը, երբ այս գիւղի մօտ թշնամին բարբարոսաբար մորթոտեց երկու հազարի չափ, օսմանեան սրից ճողոպրած, հայ կին ու երեխաներ: Ասում են, այժմ այնտեղ մի ամբողջ ձոր լիքն է կմախքներով, գանգերով, ուր յաճախ հիւր են գալիս Գեղուայ Ձորի շներն ու գիշատիչ-

ները: Յիշէ՛ք այդ եւ եղէք անխնայ՝ Ձեզ դիմադրողների նկատմամբ, ասպետ եւ մարդ եղէք կանանց, երեխաների եւ ծերերի նկատմամբ: Ուրեմն, յառաջ, մեզ հետ Աստուած է՛ Դաւիթ-բեգի վրիժակ հոգին: Ղափան-Գենուագ-Գողթանի ռազմական ուժերի հրամանատար՝

ՆԺԴԵՀ

1920, 17 յունուար, Ղափանի հանքեր

### Հ Ր Ա Մ Ա Ն

Ղափան-Գենուագ-Գողթանի ռազմական ուժերին Ձինուորներ՝, անհաշտ թշնամին նորից մեզ իր ձեռնոցն է նետել: Վերցնենք առանց տատանումի: Օրեք առաջ իմ արեւմտեան ուժերի խենթ հարուածներից ընկաւ անառիկ Գեղուայ Չորը: Օրեք անց՝ Ձեր նոյն Գեղուածորեան թափի եւ կրակի առաջ պիտ ընկնի Որոտանի աջ ափը: 421 Այնտեղ, Գեղուայ բարձունքներում եւ ձորերում մեզ զօրավիգեց Դաւիթբեգի վրիժավառ ստուերը, այստեղ, Որոտանի ճակատում, մեզ կ'առաջնորդէ Թորոս-իշխանի հայրենանուէր հոգին: Եօթ բարձունք ունի այս ճակատը, հպարտ բարձունքներ, որոնց տիրելու մէջ, որոնց վրայ է մեր փրկութիւնը: Ով տիրեց այդ լեռներին՝ նա է տէրը Չանգեզուրի: Ուրեմն յառաջ, իմ եօթն անգամ սիրած եւ քաջ ղափանցիներ, յառաջ դէպ այդ բարձունքները՝ դէպ Քեափագ, Ային-դաղ, դէպ Հարթիգ: Մեզ հետ Աստուած եւ մեր պատերազմական բաղդը, յառա՛ջ, Ղափան-Գենուագ-Գողթանի ռազմական ուժերի հրամանատար՝

ՆԺԴԵՀ

# Կոչեր

## ԿՈՉԵՐ ՂԱՓԱՆՑԻՆԵՐԻՆ

### 1.

#### Ղ Ա Փ Ա Ն Ց Ի Ն Ե ' Ր

Քո մի մասի վախկոտության ու դաւաճանութեան շնորհիւ թշնամին մտաւ Ղափան եւ քո ռազմական ուժերի ամենաքաջանուն ու խիզախ մասը, կրակելով իր վերջին փամփուշտը, քաշուեց լեռները: Եօթն օր է, շա՛տ կարճ ժամանակ, ինչ քեզ արժանի թշնամին իշխում է քո երկրում եւ լուրերը թեւ առած գալիս, հասնում են ինձ, որ դու շատ տեղ արդէն աղ ու հացդ ես պղծում՝ ինքդ գնում ու եկողի փեշը բռնած, գիւղդ ես քաշում: Զգո՛յ՛, Ղափա՛ն, մեռցնելով իմ հաւատը դէպ քո հաւատարմութիւնը, դու քեզ ես մեռցնում: «Իջի՛ր, իջի՛ր լեռներից», - դաւադրաբար կանչում է թշնամին: «Իջի՛ր», - յիմարաբար կրկնում ես դու: Եւ քո ապստամբ մարտիկներից շատերը թողնում են լեռները: Զգո՛յ՛, էլի զգոյ՛, թողնել լեռները՝ նշանակում է անարգ մահ գտնել ձոր ու ծմակներում: Հեռո՛ւ, հեռո՛ւ, որոնք հեշտութեամբ քո գերեզմանը կարող են դառնալ: Լսիր եւ մի՛ մոռանար՝ մնալ լեռներում, սարերի վրայ, դափանցիներ, նշանակում է լինել ապստամբ. չիջնել լեռներից՝ նշանակում է չճանաչել անկոչ եկողների իշխանութիւնը ու սանձահարուած պահել նրանց: Ա՛հ, ո՞ւր էք, ո՞ւր, իմ երեկուայ ուխտուած զինուորներ, Գեղուածորեան հպարտ փառակիցներ: Ո՞ւր էք: Ձորերո՞ւմ: Վա՛յ Ձեզ, իմ սիրտն արնոտում է Ձեզ համար, տեսնելով, թէ ինչպէս թշնամին ձեր անփառունակ գերեզմանն է փորում: Դո՛ւրս, դո՛ւրս արեք ձորերից : Դո՛ւրս ծմակներից, միանալու Դաւիթբեգեան հզօր ուխտին: Դո՛ւրս դէպ ինձ, դէպ լեռները: Ի՞նչ, չլինի թէ որոշել էք մեր Ձեզ հետ միասին ձեռք բերած ամբողջ փառքը թողնելու մենակ մեզ՝ լեռները քաշուած ապստամբներիս: Այո՞, է՛հ թող այդպէս լինի:

Հրամանատար՝ ՆՏԴԵՆ 1920, 12 սեպտ., Խուստուպեան լեռներ

### 2.

#### Ղ Ա Փ Ա Ն Ց Ի Ն Ե ' Ր

Ես՝ Դաւիթբեգեան ուխտին հաւատարիմ, շարունակում եմ մնալ քո լեռներում, ամպերի տակ, մենակ, վիրաւոր, ու աւելի հպարտ, քան էի: Ա՛յժմ ես լիզում եմ քո եւ թշնամու ինձ հասցրած վերքերը եւ սպասում քեզնից խնդրածս վարպետին, որ գայ, շուտ գայ՝ կոպիտ գործիքներով հանելու իմ աչքերը, կուրացնելու ինձ, որ չտեսնեմ քո գլխին գալիք գուլումները, քո խայտառակութիւնը, քո բարոյական անկումը: Դու արեցիր այն, ինչ ուզում էր թշնամին:

Նա գոհ է քեզնից, անչափ գոհ, բայց գիտե՞ս, Ղափա՛ն, թե որքան ուժեղ է նա ատում եւ արհամարհում քեզ: Դու քո վիրաւոր, սրտից զարնուած հրամանատարին ես դաւաճանել, մենակ թողել: Գիտակցո՞ւմ ես, չափում կատարածդ տմարդութեան անչափելի մեծութիւնը: Ա՛ն, յետ առ ինձնից քո տուած անունները՝ «Երկրորդ Դաւիթ-բեգ», «Աժդահայ-Փաշա», «Ամէն կռում Փաղիշահ»: Այդ անուններով դու կաշառեցիր, խաբեցիր ինձ, որ այսօր ինձ մենակ թողնես: Ինչո՞ւ են ուշանում քո լրտեսները, քո ահաբեկիչները: Ադրբեյջանը յոգնեց իմ գլխին սպասելուց, փոքրիկ գումար չէ երեք միլիոնը: Ստացի՛ր եւ գործի անց:

Հրամանատար՝ ՆՇԴԵՀ 1920, 15 սեպտ., Խուստուպեան լեռներ

### 3.

#### Ղ Ա Փ Ա Ն Ի Ժ Ո Ղ Ո Վ Ո Ի Բ Դ Ի Ն

Ժողովո՛ւրդ, քեզ հետ խօսողը քո հրամանատարն է, քո վիրաւոր սրտից զարնուած հրամանատարը, որի սուրը վաղուց է, ինչ յանուն քո ինքնապաշտպանութեան, չի հանգստացել պատեանում: Լսի՛ր, մի աւելորդ, գուցէ եւ վերջին անգամ նա դիմում է քեզ, խօսում քեզ հետ: Նա ասում է. - Քո սեւ ու նեղ օրին, երբ հայակեր Գեղուայ եւ Օխչու ձորերը, երբ Բարգուշատն ու Հաքարուն սպառնում էին քո կին ու երեխաների արիւնով քո երկիրը ներկելու - դու կանչեցիր ինձ եւ ես հասայ քո հաւարին: Ասա՛, 425 ժողովուրդ, այն օրէն քո երկրում մնա՞ց մի բարձունք, մի սար, մի քար, որի վրայ դրած չլինէի իմ յոգնած գլուխը: Ասա՛, դու ինձ տեսե՞լ ես մի օր, մի ժամ անհոգ, հանգիստ: Դու ինձ տեսե՞լ ես փափուկ տեղաշորում, հարուստ սեղանների շուրջը: Դու լրում ես. քարերը, քարերը կ՛աղաղակեն, կ՛ասեն՝ ոչ: Ասա՛, մնա՞ց մի բան, որ խնայէի, չգոհաբերէի քո ազատութեան, քո փրկութեան, քո փառքի գործին: Քո դաշտերում, քո հողի վրայ իմ արիւնն է թափել: Դեռ չեն փակուել թշնամու ինձ հասցրա ծ վերքերը, իսկ քոնը, ժողովո՛ւրդ, քո հասցրած ը միշտ թարմ պիտ մնայ ու հազար վերքերի ցաւով պիտ մորմոքայ: Ժողովո՛ւրդ, այսօր, երբ ադրբեյջանեան չէկերով կաշառուած «բոլշեւիկ» կոչուած սրիկաները, քո գերեզմանափորերը, կեղծ ու պատիիր խոստումներով քո դուռն են բաղխում եւ քո ձեռքով պղծած աղ ու հացիդ սպասում՝ դու դաւաճանաբար լքում ես, մենակ թողնում քո վիրաւոր հրամանատարին: Այդ հերիք չէ, քո լրտեսներն ու ահաբեկիչները իմ գլուխն են փնտրում՝ երեք միլիոնով Ադրբեյջանին ծախելու: Ապերա՛խտ ժողովուրդ: Քանի՛-քանի՛ անգամ քո կինն ու երեխան կռիւներից վերադառնալիս փաթաթուել են ձիանս վզով, համբուրել ձեռներս, «փաշա ջա՛ն» կանչել: Քանի՛-քանի՛ անգամ փրկել եմ քեզ վերահաս վտանգից, կոտորածից: Ի՞նչ, մոռացա՞ր պրինց Ղաջարին, որի զօրքերին պատերիդ տակից եմ քշել: Վա՛յ քեզ, ժողովուրդ, ի՞նչ պատասխա ն պիտ տաս Աստծուդ, խղճիդ, պատմութեանը:



Ժողովու՛րդ, կ՛անցնեն օրեր, թշնամին քեզ զինաթափելուց ու ղեկավարներիցդ զրկելուց յետոյ, երբ այլևս չի լսուի «Աժդահա փաշա» անունը, կը սկսուի հազար ձեռով ու ճանապարհով բնաջնջել քեզ: Այն ատեն դու կը վերյիշես քո հրամանատարին, որի սուրը եօթն անգամ մեծացրել էր քո երկիրը եւ քեզ համար բացարձակ ապահովութիւն ստեղծել, այն ժամանակ հայեացքդ կը դարձնես Խուստուպին, նրա կատարին նստած սեւ ամպերին, կը նայես, կը կանչես, բայց հրամանատարիդ փոխարէն սարերիդ ու ձորերիդ թոյլ արձագանգը կը պատասխանի քեզ: Գուցէ մի օր էլ, թշնամուց հալածական, սարերն ընկնես ու թափառումներիդ ժամանակ յանկարծ մի թփի տակ, մի ժայռի վրայ իմ սառած դիակը գտնես, ծունկի գաս ու արին լացես: Ժողովու՛րդ, ինձ լքելուց, ինձ դաւաճանելուց առաջ զլացար իմ խնդիրը կատարել: Դու չուղարկեցիր վարպետներիդ՝ բութ գործիքներով հանելու իմ աչքերը, կուրացնելու ինձ, որ չտեսնեմ քո գլխին գալիք գուլումը, քո բարոյական անկումը: Ներում եմ, թէեւ պատմութիւնը չի՛ ների քեզ, եւ խնդրում՝ երբ ինձ սպանուած գտնես, դիակս թաղիր Խուստուպի ամենաբարձ ր կատարին, որտեղի ց երեսայ ինձ ե՛ւ Ղափանը, ե՛ւ Գենուազը, ե՛ւ Գեղուաձորը, ե՛ւ Գողթանը: 426 Իսկ մինչ այդ, հայեացքդ մի՛ կտրիր Խուստուպից: Որքան յաճախ, որքան շատ նայես այս սէզ ու սեւ ամպերով ծածկուած սարին, այնքան շուտ կը գայ, կը հասնի փրկութիւնդ: Աստուած եւ իմ սէրը քեզ հետ, ապերա՛խտ ժողովուրդ:

Հրամանատար՝ ՆՇԴԵՀ 1920, 17 սեպտ., Խուստուպեան լեռներ

## Ն Ժ Դ Ե ՀԻ՝ ՄԱՐՏԻ ՎԱՐՄԱՆ ՏԵՍՈՒԹՅՈՒՆԸ ԵՎ ԱՐԴԻԱԿԱՆՈՒԹՅՈՒՆԸ

Գարեգին Նժդեհի տեսական ժառանգության մեջ իրենց ուրույն տեղն ունեն ռազմական արվեստին, զինվորի հոգեբանական և մարտավարական պատրաստությանը վերաբերող աշխատությունները: Նժդեհի աշխատություններում ամփոփված դրույթներն իրենց արդիականությունը չեն կորցրել նաև մեր օրերում և կարող են տեսական ու գործնական նշանակություն ունենալ Հայոց բանակի ռազմագիտական, հայ զինվորի հոգեբանական ու ֆիզիկական պատրաստության մակարդակի բարձրացման գործում: Ռազմակրթական դաստիարակության տեսանկյունից առաջին հերթին առանձնանում են նրա խոհերը՝ կապված «ահավարության» հետ, որը Նժդեհի ստեղծած և հայոց լեզվի բառապաշարը հարստացրած բազմաթիվ բառերից մեկն է: «Խոտան պիտի հոչակել այն բոլոր տեսությունները, որոնք հաղթանակը միշտ էլ նվիրում են այն կողմին, որը մի հատիկ զինվոր, մի թնդանոթ, ամրաշինական մի կառուցվածք ավելի ունի: Ոչ, ոչ, հարյուր զինվորի ուժը միշտ էլ հավասար չէ հարյուրի ուժին: Այդ ուժն ունի իր հավելումն ու նվազումն ունի, նայած թե ո՞վ է և հոգեբանական ինչպիսի՞ մթնոլորտում ու ինչպե՞ս է դեկավարում այդ հարյուրյակը: Կովում գործ ունենք կենդանի, հարափոփոխ, դինամիկ և ոչ մեքենական մեռյալ ուժերի հետ, որոնք չեն մնում քարացած միեւնույն կետի վրա: Տեխնիկական վճռական դեր է կատարում միայն այն դեպքում, երբ նրանցից օգտվում ենք իբրև ահավարության միջոցներից: Հաղթանակը օրինաչափորեն թեքվում է այն կողմը, որը հաջողվում է ավելի երկար ժամանակ մահվան սարսափի տակ պահել իր հակառակորդին՝ ճգնելով խորտակել նրա դիմադրական ոգին: Այո՞, ըստ էության՝ ռազմավարությունն այլ բան չէ, եթե ոչ՝ ահավարություն: Եվ, որովհետև մահն է ահացուցիչը՝ մենք բնավ մեղանչած չենք լինի լեզվի ոգու դեմ, եթե այսպես բանաձեռնք ռազմավարությունը-հոգեբանորեն առնված՝ դա մահավարություն է»: Նժդեհի աշխատությունների վերլուծությունից պարզ է դառնում, որ նա մեծապես կարեորում էր զինվորականության բարոյահոգեբանական պատրաստվածությունը և բանակը առաջնորդող ղեկավարության անհատական հատկանիշները: Նույն ժողովուրդը կարող է և հրաշագործություններ կատարել, և խայտառակորեն ծունկի գալ հակառակորդի առաջ, որ հաղթանակի են հասնում դեռ կռիվը չսկսած, նախ՝ բարոյապես, նախ՝ հոգիների մեջ. «Վ ա յ այն բանակին, որին հոգեբան է կարող ղեկավարներ են պակասում: Նման դեպքում տկար տարրերին հաճախ հաջողվում է ապամագնիսացնել, բարոյալքել անգամ մարտունակ տարրերը: Ջանգվածների հոգեբանության օրենքներին ծանոթ ղեկավարը անձնական կենդանի օրինակի վարակչությամբ նպաստում է իր զինվորների դրական հոգեբեռացմանը, որով է՝ անկարելի դարձնում բացասականը: Եվ, հենց սրանում էլ, ըստ էության, կայանում է ղեկավարության գործի կեսը նրա կարեորագույն մի մասը»: Ավելացնենք, որ թեև Նժդեհը ճակատամարտում հաղթանակը ապահովելու համար առանձնացնում է երեք նախապայման՝ զորքի թվաքանակ, զենքի արդիականություն և բարոյական գերազանցություն, սակայն որպես վճռորոշ նախապայման շեշտում է վերջինը՝ դրանով հենց բացատրելով Սյունիքում իր վարած հերոսամարտերի հաջողությունը: Հարկ է նշել, որ Նժդեհը միշտ եղել է գիտակցված պայքարի կողմնակից : Ըստ նրա՝ ժողովրդի և բանակի տոկոսությունը, հաղթանակին հասնելու կամքը մեծապես կախված են այդ պայքարի

նպատակի գիտակցումից, իմա՝ այն գաղափարի, իրավունքի կամ տարածքի պաշտպանության, հանուն որի մղվում է պատերազմը: Ըստ Նժդեհի տեսության՝ ռազմական առաջնորդի կարեորագույն հատկանիշներից է իր զինվորների վրա բարոյական ազդեցություն գործելու ունակությունը, առանց որի անհնար է հաղթանակներ կերտել: Նժդեհը Սյունիքում ձեռք բերված ռազմական հաջողությունների պատճառների թվում առանձնացնում է նաև իր մշակած ե կիրառած՝ **«գրոհող ժայռեր», «պայթուցիկ տակառներ», «մուրճ ե ոստայն», «ուժանակային հրավառություն», «փրկարար ակնախարություն», «գայլի ռազմավարություն»** և այլ մարտավարական հնարները, որոնք արդյունավետորեն կիրառում էին նրա դավիթբեկյան ուխտերը ե գայլավաշտերը: Թերես անհնար է մեկ հետազոտության շրջանակներում մանրամասն քննարկել բոլոր վերոնշյալ հնարները, սակայն փորձենք երկու խոսքով անդրադառնալ դրանցից մի քանիսին:

### **1. Գայլի ռազմավարություն**

Ինչպես նշում է Նժդեհը՝ «գայլի ռազմավարության» հիմնական էությունն այն էր, որ առավելապես գիշերային հարձակումների միջոցով Նժդեհի ժողովրդական վաշտերը նախ, հակառակորդին անակնկալի բերելով, ստանում էին բարոյական առավելություն, ապա նոր՝ անցնում հարձակման: Հարձակումների այդ գործելաձևը նրան հնարավորություն էր տալիս խուճապի մատնելու ե մարտավարական աքցանի մեջ առնելու հակառակորդին, հաճախ նրան շեղելու գործողության նախապես որոշված ուղղությունից, պարտադրելու մարտը վարել իր համար անհարմար տեղագրական պայմաններում, իսկ յուրային գորքին՝ խուսափելու երկարատե դիրքային մարտերից, նվազագույնի հասցնելու զոհերի թիվն ու ռազմամթերքի ծախսը ե այլն:

### **2. Գրոհող ժայռեր**

Տեղին է հիշատակել Նժդեհի կողմից կիրառված մեկ այլ՝ **«գրոհող ժայռեր»**, մարտավարական հնարը: Նժդեհը, կանխատեսելով հակառակորդի գրոհի ուղղությունները, իր ե թշնամու միջե գտնվող բարձունքներում՝ ժայռերի տակ, մարտիկներին հրամայում էր թաքցնել մեծ քանակությամբ (դինամիտ): Հակառակորդի գրոհը դեռ չսկսված՝ այդ ականները պայթեցվում էին՝ առաջ բերելով, Նժդեհի բառերով, «քարե կարկուտ» և ծխի ու փոշու ամպերով պատելով ձորերը: Նման հնարը հնարավորություն էր տալիս կանխելու հակառակորդի կազմակերպած գրոհի հնարավորությունը և խուճապ տարածելու նրա շարքերում: Ստանալով հոգեբանական առավելություն՝ Նժդեհի զինակիցները դիմում էին գրոհի և պարտության մատնում անակնկալի եկած թշնամուն:

### **3. Մուրճ ե ոստայն**

Անհրաժեշտ ենք համարում հիշատակել նաև **«մուրճ ե ոստայն»** կոչվող մարտավարական հնարը, որի հիմնական էությունը հետեյալն էր: Նժդեհն իր ուժերի չնչին մասը տեղաբաշխում էր ռազմաճակատի ոչ էական կետերում, իսկ մեծ մասը թաքցնում էր՝ վճռական պահին որպես կենդանի «մուրճ» կիրառելու համար: Հակառակորդի գրոհն սկսվելուց հետո սյունեցիների հիմնական ուժերը որոշ ժամանակ դեռ մնում էին կրավորական դիրքում, մինչե հակառակորդը, առաջանալով, կարեոր կետերում թուլացնում էր իր զգոնությունը, ինչից հետո Նժդեհը հիմնական ուժերով դիմում էր հարձակման՝ թևանցմամբ կամ թիկունքային գրոհով:

#### 4. Հոգեբանական գրոհներ

Հայոց ռազմարվեստի պատմության տեսակետից հետաքրքրություն է ներկայացնում նաև Նժդեհի կողմից կիրառվող հոգեբանական գրոհների մարտավարությունը: Ըստ Նժդեհի՝ զորամիավորումները մարտունակ են այնքան ժամանակ, որքան ճակատամարտի ընթացքում զգացվում է դրանց հրամանատարական կազմի ներկայությունը: Ուստի հակառակորդի ուժերի ղեկավարումը թուլացնելու նպատակով Նժդեհը իր զինակիցներից առանձնացնում էր մի խումբ մարտիկների, ինչպես ինքն էր կոչում՝ «որսորդներին», որոնց նպատակն էր ճակատամարտն սկսվելուն պես ոչնչացնել հակառակորդի հրամանատարներին: Նժդեհը ռազմարվեստին նվիրված իր աշխատություններում հատուկ շեշտում է մարտում հրամանատարի՝ առաջնորդի խոսքի նշանակությունը: Ըստ նրա՝ այն, ինչ հաճախ դժվարանում է անել արդիական հեռահար թնդանոթը, հեշտությամբ կատարում է ղեկավարի զորավոր խոսքը: Խոսքը, երբեմն՝ հրամայող ու իշխող, երբեմն՝ կանչող ու մղող, միշտ պատկերավոր ու սեղմ, սրտերին՝ կրակ, բազուկներին՝ թափ, կամքերին՝ մղում տվող խոսքն է իշխելու և ղեկավարելու միակ միջոցը: Հաղթելու համար քիչ է խելքը, տաղանդը, անհրաժեշտ է և զորավոր խոսքը: Հաշվի առնելով հայ ժողովրդի պատմական փորձը, ճակատագիրը, Հայաստանի բարդ աշխարհագրական դիրքը և հարևան երկրների մշտական տարածքային նկրտումները՝ Նժդեհն իր բազմաթիվ գիտատեսական, հրապարակախոսական աշխատություններում կարևորել է հայ ժողովրդի համար ռազմարվեստին, ռազմական գիտելիքներին տիրապետելու անհրաժեշտությունը: Նա գրել է, որ պատերազմը մի մշտական չարիք է, որը եղել է, կա ու պիտի լինի, և որ գուցե դարերն ու մարդկային բարոյական մշակույթը կարողանան մեղմացնել նրա բնույթը, փոխել ձևերը, բայց վերացնել՝ երբեք: Ուստի կցանկանար, որ մեր ժողովուրդը ևս, որն արևի տակ իր անկախ անկյունն ունենալու ձգտումն ունի, պարտադրորեն յուրացնի կռվի բարդ արվեստը, որը հատկապես մեզ նման փոքր ազգերի համար եղել է և կմնա ինքնապաշտպանության միակ միջոցը: Մեծ հետաքրքրություն են ներկայացնում նաև Գարեգին Նժդեհի 1921 թ. Գորիսում տպագրված «Խուստուփյան կանչեր» և 1918 թ. Երևանում Շերամի համահեղինակությամբ լույս ընծայված «Զորաշարքային կանոնադրություն» աշխատությունները:

## ԵԶՐԱԿԱՑՈՒԹՅՈՒՆ

1. «Նժդեհականությունը, որպես ռազմաշունչ, ուժապաշտ, երիցս հայկական տեսականորեն ու գործնականորեն փորձարկված, ամբողջական գաղափարախոսություն, սովորողների գիտակցությանը պետք է հասցվի ոչ թե մասնակիորեն՝ առանձին դրույթներով, այլ լիակատար կերպով՝ իբրև մի կուռ աշխարհայացք, ուսմունք»: Այսպիսով՝ Նժդեհի ուսմունքի հայրենասիրության, ազգին նվիրվածության, քաջության, ինքնագոհության՝ հանուն Հայրենիքի և հայության հավաքական իդեերի իրականացման, հայության բնական կենսատարածքի (արեալ) վերականգնման և հայկական Սփյուռքի հայրենահավաքման մասին դրույթները կարող են համապատասխան նպատակային աշխատանքի, համակարգված կերպով ներկայացման և ճիշտ քարոզչության դեպքում սովորողների համար ունենալ մեծ նշանակություն՝ ապագա զինծառայողների և ռազմական բարձրագույն ուսումնական հաստատությունների ապագա կուրսանտների մասնագիտական գիտելիքների խորացման, ֆիզիկական պատրաստության մակարդակի բարձրացման և, վերջապես, ներկայիս ու ապագա սերունդների ռազմահայրենասիրական ու բարոյահոգեբանական ոգու ամրապնդման տեսանկյունից:

2. Ահա՝ «Դառը և կորուստներով լցված օրեր է ապրում մեր ժողովուրդը: Սակայն համոզված ենք, որ հայոց ազգը վերհառնելու է, ինչպես փյունիկ: Չարաբաստիկ պարտությունն ու նվաստացումը չպետք է թևաթափ անեն մեզ: Թշնամին արթուն է՝ լցված մեզ ոչնչացնելու հանցագործ մոլուցքով: Ջգոն լինենք: Պայքարը հանուն ազատության և անկախ ապրելու իրավունքի շարունակվում է: Անհաջողությունները դատավճիռ չեն, դատավճիռ է դրանցից վախենալը: Անհաջողությունները հնարավորություն են ընձեռնում սկսել նորից և պայքարել խելոք ու շրջահայաց: Աստված մեզ երբեք չի տալիս այնպիսի փորձություններ, որոնց ի վիճակի չենք դիմանալու ու դրանք հաղթահարելու: Ուրեմն և՛ թող անցյալի մեր հերոսական խոյանքների օրինակները, ինչպես և Գարեգին Նժդեհի փառահեղ կերպարը ոգեշնչեն բոլորիս, հզորացնեն մեր բազուկը՝ նոր հաղթանակներ կերտելու ճանապարհին: Մյուսիքը և Արցախը եղել ու մնալու են Մայր Հայաստանի անբաժանելի մասը: Պայքարը շարունակվում է...

## Դասի պլան

|                                      |   |  |
|--------------------------------------|---|--|
| Ամսաթիվ                              |   |  |
| Դասարան                              | 10-րդ   |  |
| Ուսուցիչ (ներ)                       | Իշխան Ավագյան   |  |
| Առարկա                               | Նախնական զինվորական պատրաստություն  |  |
| Թեմա                                 | Լեռնահայաստանի հերոսամարտը, գայլախմբերի մարտավարությունը  |  |
| Հիմնական հասկացություն               | Հաղորդակցում<br>Ստեղծարարություն  |  |
| Ենթահասկացություն                    | Բովանդակություն<br>Դիրքորոշում և արժևորում<br>Նյութի հետազոտում   |  |
| Խաչվող կամ ընդհանրական հասկացություն | Պատճառ և հետևանք<br>Անհատներ և հարաբերություններ<br>Ժամանակ և տարածություն  |  |
| Միջառարկայական կապեր                 | Պատմություն, աշխարհագրություն   |  |
| Ձևավորվող կարողունակություն          | Սովորել սովորելու<br>Լեզվական գրագիտություն<br>Իքնաձևնաչողական և սոցիալական հարաբերություններ<br>Մշակութային  |  |
| Նպատակները                           | <p>Խորացնել Լեռնահայաստանի հերոսամարտի մասին գիտելիքները,<br/>Պատկերացումներ ձևավորել Նժդեհի կողմից մշակված և կիրառված մարտավարական հնարքների մասին,<br/>Արժևորել հրամանատարի դերը՝ որպես մարտում հաջողության հասնելու կարևորագույն նախապայման:<br/>Ձևավորել Նժդեհյան գաղափարական արժեհամակարգ:</p> |  |

|                   |   |  |
|-------------------|---|--|
| Վերջնարդյունքներ  | <p>Կընկալեն նյութի հիմնական գաղափարը:<br/>Կարժևորեն Նժդեհի գաղափարախոսական, քաղաքական, ռազմական գործունեությունը՝ որպես պահի հրամայական տարածաշրջանը հայկական պահելու առումով:</p> <p>Կկարողանան գտնել ընդհանրություններ նժդեհյան մարտավարական հնարքների և ժամանակակից մարտավարության մեջ մոբիլ խմբերով արդյունավետ մարտական խնդիրներ կատարելու հնարքների միջև:</p> <p>Կձևավորվեն սոցիալական հմտություններ՝ համագործակցելու, իրար աջակցելու, միմյանց կարծիք հարգելու:</p> |  |
| Անհրաժեշտ նյութեր | <p>Համակարգիչ, էկրան, պրոյեկտոր, պատկերազարդումներ /Լեռնահայաստան/, քարտեզներ, հերոսամարտի ուրվագիծ, Բաշխիչ նյութեր, գրականություն, դասագիրք, տետրեր</p>  |  |
| Կիրառվող մեթոդներ | <p>Մտագրոհ, խմբային հետազոտում, ՏՀՏ գործիքների կիրառում, Վեննի դիագրամ, խորանարդում</p>   |  |
| Ընթացքը           |   |  |
| Ժամանակ           | 2 դասաժամ   |  |
| 5 րոպե            | <p>Խթանում.<br/>Դասը սկսել մտագրոհի մեթոդով<br/>Ի՞նչ գիտեք Գարեգին Նժդեհի մասին:<br/>Կարո՞ղ եք բերել Նժդեհի մարտաշունչ կոչերից օրինակներ:</p>   |  |

|         |   |  |
|---------|---|--|
| 25 րոպե | <p>Իմաստավորում.</p> <p>Փաստավավերագրական տեսանյութի դիտում</p> <p>Այնուհետև կիրառել &lt;&lt;Խմբային հետազոտություն&gt;&gt; մեթոդը և դասարանը բաժանել չորս խմբի՝ &lt;&lt;Պատմաբաններ&gt;&gt;, &lt;&lt;Տեսաբաններ&gt;&gt;, &lt;&lt;Մարտավարներ&gt;&gt;: Տալ բաշխիչ նյութերը և հանձնարարություններ.</p> <p>&lt;&lt;Պատմաբաններ&gt;&gt;խմբին՝</p> <p>Գարեգին Նժդեհ. կենսագրական ակնարկ</p> <p>Լեռնահայաստանի հերոսամարտի ժամանակագրություն &lt;&lt;Տեսաբաններ&gt;&gt; խմբին՝</p> <p>Խուստուփյան կանչեր, մարտակոչեր</p> <p>&lt;&lt;Մարտավարներ&gt;&gt; խմբին՝</p> <p>Նժդեհի մարտի վարման տեսությունը և արդիականությունը</p> |  |
| 40 րոպե | Կատարված հետազոտության բանավոր ներկայացում, քննարկումներ  |  |
| 10 րոպե | <p>Կշռադատում:</p> <p>Կիրառել &lt;&lt;Խորանարդում&gt;&gt; մեթոդը՝ նկարագրելու, համեմատելու, գուգորդելու, վերլուծելու, թեր և դեմ փաստարկներ բերելուհամար</p>   |  |
| 3 րոպե  | <p>Անդրադարձ, Ի՞նչ արեցինք, ինչո՞ւ և ի՞նչ նոր բան իմացար:</p> <p>Ի՞նչը քեզ զարմացրեց:</p>   |  |
| 2 րոպե  | Տնային կամ յուրացման աշխատանք:  |  |



## Օգտագործված գրականության ցանկ

1. Մուշեղ Լալայան, Գևորգ Եազրճյան, Ավագ Հարությունյան, Ն 661 Հատընտիր /Գ. Նժդեհ: Երկրորդ հրատարակություն - Երևան հրատարակչություն, 2001թ., 405 էջ:
2. Ն. Հ. Գրիգորյան, Գ 349 Գարեգին Նժդեհ: <<Խուստուփյան կանչեր>> և <<Զորաշարքային կանոնադրություն>> Հայաստան հրատ., 1992, 55 էջ:
3. Վիտլետա Մնացականյան, Նժդեհապատում, Երևան, Լուսակն հրատ., 2012թ., 95 էջ:
4. Վ. Կ. Աթոյան << Նժդեհի՝ մարտի վարման արդիականությունը>> Հայկական բանակ 2. 2010, Լիմուշ հրատ., 133 էջ:
5. Ա. Չաքարյան, Գարեգին Նժդեհ /Փիլիսոփայական Ճեպանկար/: Ե., 2001
6. Վ. Օհանյան, Ս. մարգարյան, Լ. Ղազարյան, Վ. Առաքելյան, Վ. Աստանյան, Ֆ. Երիցյան, Ռ. Ալավերդյան, Հ. Մաթևոսյան, Ա. Վիրաբյան << Նախնական զինվորական պատրաստություն>>, 10-րդ դասարան, <<Աստղիկ Գրատուն>> հրատարակչություն, Երևան - 2017